


植物名實圖攷

下冊

〔清〕吳其濬 著

中華書局



〔清〕吳其濬 著

植物名實圖攷

下冊

中華書局

植物名實圖考卷之二十

蔓草類

土茯苓	木蓮
常春藤	千里及
槁藤子	懸鉤子 二圖
伏雞子根	使君子
何首烏	木鼈子
馬兜鈴	南藤
威靈仙	黃藥子 三圖
山豆根	預知子
仙人掌草	鵝抱
獨用藤	百棧藤
天仙藤	金棧藤
野豬尾	杜莖山
土紅山	芥心草

含春藤

石合草

爪藤

雞翁藤

馬接腳

狗筋蔓

牛皮消

九仙子

明州天花粉

老鸛筋

大木皮

祁婆藤

紫金藤

烈節

藤長苗

絞股藍

豬腰子

杏葉草


台州天壽根

木羊角科

土茯苓

土茯苓即草禹餘糧，本草拾遺始著錄。

宋圖經謂之刺豬苓，今通呼冷飯團；形狀、功用具本草綱目。近時以治惡瘡爲要藥，多以草薺充之，或有以商陸根僞充者。草薺去濕，性尙不遠，



土茯苓

若商陸則去水峻利，宜慎辨之。

粵婁農曰：土茯苓出近世，俗醫治惡疾、邀重利，如操左券。吾於是見造物之好生也，且旋賊之而旋生之也。五行遞嬗，遞厲紛拏，人生口體之奉，所以戕其四端之性，而誘之以四奸者，蓋無一息之或遁。乃病以歧黃未論之病，卽藥以農皇未嘗之藥；病既不擇人而生，藥亦不擇地而育。甚至垢腐潰臭，妻孥遠避；而醫者疊沐之，而投以草

木之滋；或起行屍而肉白骨，卒不使之盡戕其生，又非造物生機無一息之或停哉！夫萬物死於北，亦生於北，易曰：坎，勞卦也，萬物之所成終而成始也。造物既賊之而復生之，勞亦甚矣。非特此也，孟子曰：天地之生也，一治一亂；在人則賊之、生之，在天下則治之、亂之。造物果何心哉！雖然，死至思生，亂極思治，造物之心，亦人心耳。人勞勞於生死治亂之途，造物亦不得不勞之於生之、死之、治之、亂之之故；然則代造物而理物者，欲聽人物之擾攘而無所勞，焉得乎！

木蓮

木蓮卽薜荔，本草拾遺始著錄。自江而南，皆曰木饅頭。俗以其實中子浸汁爲涼粉，以解暑。

圖經、綱目，備載其功用，多驗。

粵婁農曰：薜荔以楚詞屢及，詩人入詠，遂目爲香草。今江南陰濕，牆瓦攀援殆遍，何曾有臭？「罔薜荔兮爲帷」，則山居柴扉石戶間皆是矣。宋李彥發物供奉，大抵類朱勔，農不得之田，牛



木蓮

不得耕墾，殫財靡芻，力竭餓死，或自縊轅軛間。如龍鱗薜荔一本，輦致之費踰百萬，不知此有何好而必輦致，非詩人口孽耶？徐諧詩：「雨久莓苔綠，霜濃薜荔紅」；梅聖俞詩：「春城百花發，薜荔上陰階」。但誦好詩，那得不神往？密雨斜侵，窗戶涼生，時乎貧賤者，盜天地之菁英以自適其適；富貴者，又欲盜貧賤之逍遙以窮其所窮。漢武以蒟醬、蒲萄而開邊，魏太武以甘蔗而

返旆，侈心之萌，誰能刃斬？克己復禮，仁也，楚靈王若能如此，豈其辱於乾谿？宋徽宗若能如此，豈至北以牛車？

按薜荔，李時珍以爲卽木蓮，而圖經以爲一類二種。滇南有一種與木蓮絕相類，而葉、實皆略小，其卽圖經所謂薜荔耶？楚詞：「薜荔拍兮蕙綢，罔薜荔兮爲帷」，皆言其能緣牆壁也。又曰：「貫薜荔之落蕊」，木蓮花極細，詞人寓言，未可拘執。而注以爲香草，不知薜荔殊無氣味。釋離騷者，斤斤於香草美人，拘文牽義，誠無當於格物耳。山海經有草荔，狀如烏韭而生石上，應是苔類。漢書房中歌：「都荔遂芳」，方是香草，非絡石蔓延山木者也。

常春藤 常春藤卽土鼓藤，本草拾遺始著錄。日華子以爲龍鱗薜荔，談薈以爲卽巴山虎，今南北皆有之。結子圓碧如珠，與拾遺說符。功用長於治癰疽、腫毒。



常春藤

粵婁農曰：京師浩穰，營園亭者，皆能致南中花木，卽嶺嶠異產，亦時附婆羅船，越重洋隨拍越風而達析津。然冬寒，皆爲窟室以避霜雪。若薜荔、絡石之屬，緣牆壁而互冬夏者，則天時、地氣皆不宜之。惟常春藤，被繚垣、帶怪石，綠葉匝，爲庭榭之飾焉。細花惹蜂，青實啗雀，於藥果皆無取。然枝蔓下有細足，黏飴極牢，疾



千里及

風甚雨，不能震撼。人之有牆，以蔽惡也，牆之隙壤，藤有賴焉。然則彼都人士，庇焉而不縱尋斧焉，宜矣。

千里及 千里及，本草拾遺始著錄。圖經千里光、千里及，形狀如一。李時珍併之，良是。其黃花演，花同葉異，則非一種。今俚醫用以治目，呼爲九里明。

粵婁農曰：藥物異地則異名，而千里光之名，起

嶺嶠、下豫章，逾彭蠡洞庭，達於夜郎牂牁，無弗同者。聞名而知其必有功於目已。其花黃如菊，盛於秋，得金氣，殆菊之別子耶？花老爲絮，則與蒲公英又類族也。滇醫以洗瘡毒，蓋以此。

吾觀其物而愧不能爲光明燭也，雖有良藥，其如余何？乃作詩曰：「登臨滇海，亦既觀止。悠悠極目，思在千里。左眄千里，洞庭始波。滔滔江漢，舟楫若何。右睇千里，一綫瀾滄。赤髮金齒，逖矣窮荒。前望千里，九巖蒼梧。愁雲曷極，海波天吳。後顧千里，金沙岷江。東流不息，去矣吳艘。玉京何在，三萬大千。白雲間之，衆星醉天。露冷之柏，霜隕之桑。安得神瞳，闕彼帝鄉。英光邈遶，與爾實族。且信人言，以拭吾目。」

槭藤子 槭藤子卽象豆，詳南方草木狀。本草拾遺、開寶本草始著錄。南越筆記云：子炒食，味佳。

零婁農曰：余至粵，未得見斯藤。按記，子可食；

槭藤子



膚可爲槭以貯藥。何造物憫斯人之勞，而爲之代斲也？藟之實有匏焉，小以酌，大以濟；木之實有椰焉，小以飲，大以掬。古者祭祀器用匏，非僅尙其質，亦以見天地之爲人計者，纖悉俱備用之，以示報也。彼靡天地之物，而不知天地之心，必以暴殄致天罰。槭藤惜不植於嶺北。近世蜀中，模柚皮以爲器，以無用爲用，且輕而潔。南嶽斷大竹以爲甌，至省工力，若而人也，以嘗巧也，不爲病矣。

懸鉤子 懸鉤子，本草拾遺始著錄。李時珍以爲卽爾雅：箭，山莓。郭注：今之木莓也。小樹高不盈丈，江南山中多有之，與楊梅同時熟，或亦



懸鉤子(一)



懸鉤子(二)

呼爲野楊梅。
 零婁農曰：湖湘間莓至多，皆春時熟，然多蔓生。
 此草得之袁州，居然木也。嶺南及滇，蔓者皆類

木，殊不易別，凡莓皆以果視之，不僅充猿糧而供扈粟矣。山居之民，飲木葉，蔬澗毛，糗藤根、果實之具甘酸者，婦穉緣嶽巘而掇之，以爲佳品。其天性全而滋味薄，故能與猱貜爭捷，而嵐氣不得刺其膚革。通都大邑，甜榴、好李，無非栽接，種則珍矣。譬如一麥而有桃、李、柰三味焉，欲持此以證農皇所嘗之味，豈有合耶？

伏雞子根 伏雞子根，本草拾遺始著錄。生天台山，根似鳥形者良。治黃疸、瘡、瘰、癰腫。

伏雞子根



使君子 使君子即留求子，形狀詳南方草木狀，

開寶本草始著錄。今以治小兒蛭蟲。實長如樞實。本草衍義謂用肉難得仁，蓋絕小，殊未確。

使君子



零婁農曰：藥之殺蟲者，味皆辛苦。留求子味至甘且馨，小兒嗜之；無推除之跡，而殺蟲尤峻。然則風雨和甘，皆可以化無形之害，不必隕霜降雪，而後能殲蝨賊螟螣矣。三代以前，去惡如鋤草，朝野晏然，而禍根已盡。三代以後，去惡如拔山國，法甫行而死灰復起。蓋和甘者，所以植善類，善類長則稂莠消。霜雪者，所以毒惡物，惡物不盡則禾黍不滋。且和甘之日長，則惡物無

冀倖之心；霜雪之日短，則善類有孤子之懼。稷契升庸，而共兜自遠，和甘之普被也。漢唐廓清，而讒險猶在，霜雪所不及也。雖然，苦之殺蟲，效可立見；甘之殺蟲，效必緩臻。是又王、霸之分，而歡娛皞皞之異形矣。乃爲使君之贊曰：「彼使君兮，如風之東。披拂惠和，虺蜴遁窮。彼使君兮，如炎而潤。浸沐洗濯，跂喙恬順。彼使君兮，如霜而凜。惠我赤子，如在保抱。彼使君兮，如冽而噉。曝我窮黎，爲掃蜚蠊。使君、使君，飲之可醺。載含載吮，思我使君。」

何首烏

何首烏，詳唐李翱何首烏傳，開寶本草始著錄。有紅、白二種，近時以爲服食大藥。救荒本草：根可煮食，花可燂食。俚醫以治癰疽、毒瘡，隱其名曰紅內消。東坡尺牘，以用棗或黑豆蒸熟，皆損其力。文與可詩亦云：「斷以苦竹刀，蒸曝凡九爲；夾羅下香屑，石蜜相和治。」然則世傳七寶美髯丹，其功力不專在交藤矣。近



時價日增而藥益僞，其大者多補綴而成。以余所至居處間，皆紫綠雙蔓，貫籬築砌，如拳、如杯，拋擲屑越。崑山以玉抵鵠，又文與可所謂蓋以多見賤、蓬蘽同一虧也。滇南大者數十斤，風戾經時，肉汁獨潤，然不聞有服食得上壽者。豈所忌魚、肉未能盡絕，而炮製失其本性耶？三斗栲栳大，號山精，滇人得之，不必有緣，唯博善價糴穀事育耳。冠萊公服地黃蘿蔔，使髮早白。

聞見近錄作服首烏，而食三白。余怪近之服餌者，髮輒易皓，殆緣於此，則亦讀本草未熟也。服食求仙，固爲妄說，節嗜通神，藥乃有效。醉飽中而乞靈草木，南轅北轍，相去益遠。若其活血、治風之功，則明時懷州知州李治所傳一方，吾以爲不妄。

木鼈子

木鼈子，開寶本草始著錄。圖經云，嶺南人取嫩實及苗葉作茹，蒸食，藥肆唯販其核，形宛似鼈，大如錢。霏雪錄著其毒能殺人，俗傳巧者用以毒狗。本草綱目所列諸方，宜慎用之。又番木鼈，形狀、功用具本草綱目，亦云毒狗至死。

木鼈子



零婁農曰：天之生物，非物物刻而雕之也。然觀斯物之類斯形也，其不疑爲般輸之肖物歟？夫人，一類也，一物而備萬物者也，而心不同如其面。天下之人，固無有內外無弗類者。至人之視物，則飛潛動植，第以爲各從其類而已。然其牝牡之相依，巢穴之相聚，肥磽雨露之相養，彼一類也，又烏能無弗類耶？乃人與物、物與物，又往往離於其類而互爲類。虎頭燕頤，蠡目豺聲，人之類物者，亦既以其類類之。而羽淵之熊，使君之虎，夢之爲蝶，肘之生柳，方其類物也，不知其類人也。海上之國，有長尾者，有比肩者，有夜飛者，有足如雞者，有頭如狗者，人之類耶？物之類耶？吾烏從類之耶？若乃馬之似鹿也，駁之似馬也，獾獾之被髮也，猩猩之能言也，人都之燔炙也，天刑之弓矢也，人蔭之啼也，靈根之吠也，海上之樹實如嬰兒也，當道之梓精爲青牛也，笋之爲蛇也，瓜之爲蝶也，蚓之爲百合也，穀之飛

蠱也，葱韭之互變也，凡世之以此物類彼物者，皆物之異於其類而相類也。夷堅之志，恢詭神異，或以人類物，或物類人，或物類物，變化不類而成怪類。而鯤池之中，何有何無；凡陸居所有之類，無不類焉。豈天之生物，固不可測，而坯陶模範，非物者之物物也，亦必有物焉爲之類族而成物耶？九疇之錫曰五行，金、木、水、火、土，皆物也。易之策萬有一千五百二十，當萬物之數。而說卦一翼，乾、坤、艮、巽、震、離、坤、兌所爲變動不居，周流六虛者，皆析而爲物。後世術者，卽五行八卦之物，以窮天下之物，而皆能物其物。如東方朔、趙達及管、郭輩，皆以其所知之物，以類所不知之物。然則物之類而不類、不類而類者，豈非有物焉爲之參伍而錯綜其類耶？通其變，遂成天下之文；極其數，遂定天下之象，造物之與開物，均是物也。夫天地神鬼，不可端倪，而致之者，必以其物；則非物者，亦

必求其物之類類之。而偃師之爲人，墨子之爲鳶，以非其物而爲物，其亦有得於物物者之物歟？

又按近世信驗方：治舌長數寸，用番木鱉四兩，刮淨毛，切片，川連四錢煎水，將舌浸良久即收。蓋以異物治異病也。

馬兜鈴 馬兜鈴，開寶本草始著錄。俗皆呼爲土青木香，即唐本草獨行根也。俚醫亦曰雲南根，



馬兜鈴

李時珍以爲即都淋藤。其形狀、功用具圖經。救荒本草云：葉可食。今湖南山中多有之，唯花作筍，似角上彎，又似喇叭，色紫黑，與圖經花如枸杞花殊戾。其葉、實及仁俱無差。或一種而地產有異耶？

南藤 南藤即丁公藤，事具南史。解叔謙得丁公藤漬酒，治母疾有神效。開寶本草始著錄。今江

南藤



西、湖南市醫，皆用以治風，亦呼石南藤，或作藍藤，音近而訛。

零婁農曰：南藤，山中多有之，或謂之搜山虎，蓋言其疏風入筋絡也。解叔謙遇丁公，純孝所感信矣。但丁公者，殆深山採藥之叟，非必神仙變化；而用南藤者，亦未必自此始也。顧吾謂人子平日不能知藥，臨時求之而不得，得之而不達，其敢以不能名之草木相嘗試乎？人神感格，渺不可憑，一息之緩，悔何及矣。雖然，天下豈有悔之人子哉！

威靈仙 威靈仙，開寶本草始著錄，有數種。本草綱目以鐵腳威靈仙堪用，餘不入藥，今俚醫都無分別。救荒本草所述形狀，亦別一種。今但以鐵腳者屬本草，餘皆附草藥。近時庸醫，遇瘡輒用，既不知其疎利過甚，又不辨其形狀，何似刺人而殺，委罪於藥？哀哉！衍義、綱目論之詳矣，故備載以戒。



威靈仙

零婁農曰：其力勁，故諡曰威；其效捷，故諡曰靈。威靈合德，仙之上藥也，乃祕方傳而他族滋，則丹竈有外道矣。昔有石穴，候雲氣出，躡之則飛昇，相傳仙去者不知幾輩矣。穴之外暴骨如莽，皆曰仙者之委蛻也。有覲之者，乃巨虺之窟，其雲氣則所噓之毒燄也。然則世之矜曰仙者，將毋有蘊虺蜴之毒者耶？

黃藥子

黃藥子，開寶本草始著錄。沈括以爲卽爾雅：藟，大苦。前此未有言及者。其根色黃，入染家用，味亦不甚苦，葉味酸，救荒本草酸桶筍卽此。湖南謂之酸桿，其莖如蓼有斑；江西或謂之斑根。

零婁農曰：甚矣草木之同名異物，而多識之難也。郭景純以甘草釋大苦，而謂其葉如荷；沈括駁之，是矣。然沈所謂黃藥者，究不識其爲何產。李時珍以今之黃藥當之，而易荷爲薄荷，則改竄而附會之矣。宋圖經謂忠州、萬州者，莖似小桑，秦州謂之紅藥，施州謂之赤藥，葉似蕎麥，開白花，已明列數種。又引蘇恭葉似杏花、紅白色、子肉味酸之說，以爲不同，則又一種矣。李時珍所謂黃藥，卽今之酸桿，滇謂之斑莊根。俚醫習用，或以其根浸酒。滇本草云：味苦澀，性寒，攻諸瘡毒，止咽喉痛，利小便，走經絡，治筋骨疼、痰火、痿痹、手足麻木、五淋白濁、婦人赤



黃藥子(二)



黃藥子(一)

黃藥子(三)



白帶下，治痔漏亦效。與古方僅治項癭、咯血者不同。然則以李時珍所據之黃藥，而強以治古人所治之證，其能效乎？滇南又有一種與斑莊絕肖者，秋深開小白花，葉亦微似杏，土人謂之扒毒散，治惡瘡有特殊效。插枝即生，人家多植之。或即蘇恭所謂黃藥者歟？若忠、萬、秦州所產，吾所未見，不敢臆揣，然皆非沈括所謂葉似荷者。

滇南又別有黃藥，乃極似山薯而根圓多鬚，卽湖南之野山藥。其白藥子，亦謂之黃藥，皆別圖。凡以著其物狀，而附以俚醫之說，以見一物名同實異。不敢盡以古方所用必卽此藥，以貽害於後世，庶合闕如之義云爾。

山豆根

山豆根，開寶本草始著錄。今以爲治喉痛要藥，以產廣西者良。江西、湖南別有山豆，皆以治喉之功得名，非一種。

零婁農曰：甚矣物之利於人者易於售僞，而欲利人者，不可不博求而致意也。山豆根治喉痛，舉

山豆根



世知之、賴之。然余所見江右、湘、滇之產，味皆薄而與原圖異，而原圖又非如小槐者。不至其地，烏知其是耶、非耶？

預知子

預知子，開寶本草始著錄。相傳取子二枚綴衣領上，遇有蠱毒則聞其有聲，嘗預知之，故有是名，圖經言之甚詳。但謂蜀人貴重之，亦難得。蒙筌則謂無其物，存原圖以俟訪。

蒙筌曰：預知之名甚奇，蒙筌汰之宜矣。但唐人有知命丸，服之無疾如微覺腸痛，則知數將盡，服海藻湯下之。藥能預知，誠有之矣。夫滿應月、桐知閏，亦預知也。甘草、苦草、病草，皆能知

預知子




歲，非異卉也。藁荷葉置席下，能知蠱者姓名，其預知尤足異，何獨於預知子而疑之？雖然，草木預知者非一，而此藤獨得預知之名，則斯草之幸也。乃以預知之故，既令聞者疑其名實之未副，且名可聞而實不可得見；豈以世爭貴重，搜掘無遺，預知者乃不能庇其本根，如古之喜談休咎者之卒不免耶？抑深藏榛蕪，識之者希，如真有道術之士，遁跡韜晦，雖日雜市販稠衆之中，而終無蹤蹟者耶？是皆未可知也。

仙人掌草

圖經：仙人掌草生台州、筠州。味微苦而澀，無毒。多於石壁上貼壁而生，如人掌，故以名之。葉細而長，春生，至冬猶青，無時採。彼

仙子掌草



土人與甘草浸酒服，治腸痔、瀉血，不入衆藥使。
明黃佐仙人掌賦序：仙人掌者，奇草也，多貼石
 壁而生，惟羅浮黃龍金沙洞有之。葉勁而長，若
 齟齬狀。發苞時外類芋魁，內攢瓣如翠毬，各擎
 子珠如掌。然青赤轉黃，而有重殼。剖之，厚者
 在外如小椰，可爲匕勺；薄者在裏如銀杏衣而裹
 圓肉。煨食之，味兼芡栗，可補諸虛，久服輕身、
 延年。俗呼爲千歲子，云移植惟宜沙土。粵州書
 院精舍中庭、後圃皆有之，予以其奇賦焉。


鵝抱 鵝抱，宋圖經外類：生宜州山林下，附石。

鵝抱



治風熱、咽喉腫痛，解毒箭、塗熱毒。
獨用藤 獨用藤，宋圖經外類：生施州，葉上有
 倒刺，主心氣痛。

獨用藤



百棱藤 百棱藤，宋圖經外類：生台州，治風痛、
 大風、瘡疾，亦作百靈。

百棱藤



天仙藤 天仙藤，宋圖經外類：生江、淮、浙東